



Inatsisartunut ilaasortaq,  
Vivian Motzfeldt, Siumut  
Uani /

**§ 37 naapertorlugu apeqqutinut nr. 75-imut akissut**  
Inatsisartut suleriaasianni § 37, imm. 1 naapertorlugu Naalakkersuisunut apeqquteqarputit. Apeqqutit uanga suliaasaqarfinnut akisassanngortinneqarput.

09-03-2017  
Suliap normua  
Allakkat nr. 4626672

**Naalakkersuisut siulittaasuata Naalakkersuisoqarfiata marts 2012-mi aalisariutini atorfiit qassit, sulisut sumingaanneernerat, nunatta avataaneersut aalisarnermi atorfeqartitat suut atorfigineraat kiisalu aalisartutut inut-tarineqartut ilinniarsimassutsikkut pisariaqartitsinerat pillugit misissortissimasaata kisitsisitigut paasissutissartai nutarterneqassasut kissaatiginarmata (takuuk ilanngussaq 1) apeqqutigissavara; kisitsisit misissuisimanermi takussutissaqartinneqartut nutartikkat qanoq isikkoqarpat?**

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apnn@nаноq.gl  
www.naalakkersuisut.gl

Namminersorlutik Oqartussat nalunaarutaat nr. 13, 17. november 2011-meersoq naapertorlugu Kalaallit Nunaanni Aalisarsinnaanermut Akuersissutinik Nakkutilliisoqarfiup (KANUAANA'p) angallatit aalisariutit 24m sinnerlugu angissusillit inuttalersugaanerat nakkutigisaraa, akissummullu paasissutissanik ilanngussilluni.

Taamaattoq pingaaruteqarpoq erseqqissassallugu KANUAANA'p nakkutiginninnerata siunertarinngimmagu angallatit aalisariutit nunatsinni nalunaarsoqqasut inuttalersugaanerani paasissutissanik katersinissaq, kisianni nalunaarummi malittarisassat aalajangersarneqartut malinneqarnersut taamaallaat nakkutigissallugu. Taamaattumik nalominarsitsilersinnaasut pingaarutillit makkua eqqumaffigineqassapput, paasissutissat angallatini aalisariutini nunatsinni nalunaarsoqqasuni sulisoqameq pillugu naatsorsu-inermik tunngavigineqarpata:

Naatsorsuinerup ilannguppai inuit tamamik, ukiumi pineqartumi ataasiarlutik arlaleriarlutilluunniit atorfeqartutut nalunaarsomeqartut, suliffissarlu naasarlugu sulisoqarnertut naatsorsuinerunani, KANUAANA-mmi inuttalersuinermut allattuiffiini nakkutilliinera angallatit aalisariarnerillu ataasiakkaarlugit ingerlattarmagu, kisianni inuttat allannguuteqarnerat inisissisimaneralluunniit qarasaasiakkut nalunaarsomeqartarluni. Taamaattumik inummut ataatsimut atorfeqameq aalisariarnermit ataasiinnarmiit ukioq naallugu atorfeqarnemut nikerarsinnaasarpoq. Ilanngullugu angallatit ukiup ilaani piffissami sivi-kitsuinnami atorneqartut kisitsisit katinneri ima qaffatsissinnaatigaat soorlu angallat ukioq naallugu atorneqartut. Inuttalersuinermik nakkutilliinermi paasissutissat aamma nalominaatsumik inuit ataasiakkaat piffissap ingerlanerani malinnaaffiginissaannut atorneqarsinnaanngillat paasissutissat pingaamertut atorneqartut allanngorsinnaanerit pissutigalugu.

Taamaattumik ataatsimut isigalugu erseqqissartariaqarpoq, kisitsisit tunngavigalugit inermillinissaq mianersuunneqassammat.

Naatsorsueqqissaartarfik akissarsiaritinneqartut akileraarutillu pillugit ilanngussaqqarpoq, ilanngussap aappaanni takuneqarsinnaasoq. Ilangussami periuseq nalor-nisitsilersinnaanerlu pillugit oqaaseqaatit allaaserineqarput.

Naggataarutigalugu oqaatigineqarsinnaavoq Naalakkersuisunit kalaallit angallataanni aalisariutini inuttalersuineq sallitinneqarmat, umiarsuup allattaavii qarasaasiakkut ingerlanneqalernissaannut atatillugu inuttalersuineramik nakkutilliinermi paasisutissanik immikkut nalunaarsuivissamik pilersitsisoqassaaq, taamaasilluni sulisoqarnikkut naatsorsuutini pitsaannerusumik ingerlatsisoqarsinnaalerluni.

Inussiarnersumik inuulluaqqusillunga

  
Hans Enoksen

## Ilanngussaq 1: 2012-2015 inuttat pillugit nalunaarsuutit

### Nalunaarsukkat amerlassusaat

Angallatit 20-t 30-llu akomanniittut piffissami 2012-imiit 2015-imut ukiut tamaasa inut-talersuineramik nakkutilliinermi ilaatinneqarput, nakkutilliinermullu atatillugu ukiumut nalunaarsukkat 1100-t 1500-llu akomanniittarlutik, tassa inuit 900-niit 1300-t akomanni.

	2012	2013	2014	2015
Nalunaarsukkat katillugit	1170	1467	1828	1529
Inuit amerlassusaat, miss.	917	1039	1114	1278

Nalunaarsuiffimmi ataani takuneqarsinnaapput ukiukkuutaartumik inuit atorfi malillugit nalunaarsorneqartut amerlassusaat. Inuit ukiup ingerlanerani atorfi nikerarsimasut nikerarfiini tamani ilanngunneqarput.

Atorfiup suunera uklorlu		Katill.	Piffissani atorfeqarfigisani tamani ukiuni kingullerni marlunni Nunatsinni najugaqartutut nalunaarsorneqartut	Piffissani atorfeqarfigisani tamani ukiuni kingullerni marlunni Nunatsinni najugaqartutut nalunaarsorsimangitsut	Piffissap atorfeqarfigisap ilaanni ukiuni kingullerni marlunni Nunatsinni najugaqartutut nalunaarsorneqartut
Aqumiut (§2)	2012	362	77%	23%	0%
	2013	435	77%	23%	1%
	2014	550	69%	30%	1%
	2015	477	74%	25%	1%
Aalisartut (§3)	2012	504	98%	1%	1%
	2013	574	95%	5%	0%
	2014	657	89%	10%	0%
	2015	573	95%	5%	0%
Maskinalerisut (§5)	2012	148	32%	68%	1%
	2013	183	27%	73%	0%
	2014	297	20%	80%	1%
	2015	238	24%	75%	1%

### Nalunaarut naapertorlugu inuit kingoqqiviannik nunatsinni nu-naveqanngitsutut nalunaarsuineq

Inuiaassutsimut tunngasunik paasissutissanik katersuisoqanngilaq, ataatsimulli isigalugu inerniliisoqarsinnaavoq inuttat amerlanersaat nunatsinni nu-naveqanngitsutut nalunaarsorneqartut Kalaallit Nunaannut, Danmarkimut Savalimmiunulluunniit kiisalu amerlanngitsut Islandimut attuumassuteqarmata taakkunangaluunniit kingoqqisuullutik.

Inuttat amerlanersaat kalaallisut danskisulluunniit inuup normoqarput, amerlanngitsullu savalimmiut islandimiulluunniit inuup normoqarlutik. KANUAANA-p inuit allattorsimaffi-

anni misissuisinnaanera tunngavigalugu qularnaatsumik immikkoortissinnaangilai danskisut innuttaassuseqartut, danskisut inuup normoqartillugit, kalaallinit, danskinit sa-valimmiunilluunniit kingoqqinersut. Aamma tassunga ilaapput islandimiusut innuttaassuseqartut danskisut inuup normoqarlarsimasut.

### Najugaqarfiit kommuunikkuutaarlugit agguarneri

Uuma ataani nalunaarsuiffimmi takuneqarsinnaavoq inuttat nunaqavissut kommuunikkuutaarlugit inuup normuisigut nalunaarsorneqarneri procentikkuutaarlugit:

Kommune	2012	2013	2014	2015
Kujalleq	6%	13%	14%	12%
Qeqqata	44%	40%	37%	38%
Qaasuitsup	18%	15%	14%	13%
Semmersooq	32%	31%	35%	37%
Katillugit	100%	100%	100%	100%

### Nunaqavissut najugaqarfii

Uuma ataani nalunaarsuiffimmi takuneqarsinnaavoq KANUAANA-mi inuit nunaqavissut nalunaarsorneqartut, inuit allattorsimaffianni postboks, c/o najugaqarfiit, najugaq ilisimaneqanngilaq il.il. ujartuinerup kingorna procentikkuutaarlugit agguataarneri.

Ukioq	Postboks, c/o najugaqarfiit, najugaq ilisimaneqanngilaq il.il.	Postboks, najugaq ilisimaneqanngilaq il.il. "C/O"-innaq minillugu
2012	31%	19%
2013	31%	17%
2014	28%	17%
2015	29%	18%

### Ukioqatigiikkuutaarlugit agguataarneri

Nalunaarsuiffiup takutippaa ukioq nutaaq aallarnerfigisarlugu inuuiatigut kinaassuserneqarsinnaasut tamakkerlugit ukioqatigiikkuutaarlugit agguataarneri.

Ukioqatigilit	2012	2013	2014	2015
10-20 ár	4%	6%	6%	6%
20-30 ár	20%	20%	20%	21%
30-40 ár	22%	21%	22%	21%
40-50 ár	37%	34%	33%	30%
50-60 ár	16%	18%	17%	20%
60-70 ár	2%	2%	2%	2%
Katillugit	100%	100%	100%	100%

## Angallatini annerusuni inuttanut akissarsiat akileraarutillu

### Avataasiutini inuttanik akissarsisitsisarnerit akileraarusiisarnerillu inunnut inuttalersuineranut allattuivinniittunut naleqqiullugit naatsorsorneqarput

Avataasiutini inuttalersuineranut allattuiffiit tunngavigalugit naatsorsuineq ingerlanneqarpoq. Inuttalersuineranut allattuiviit sulisoqarnermut nalunaarsuutitut angallatinillu aalisariutinik ingerlatsivinnut assigimmik nalunaarsugaapput, kalaallit aalisariutaanni inuttalersuisarneq pillugu nalunaarummi ilaatinneqartunut, naleqqiullugit misissorneqarput.

Nalunaarsukkat takutippaat akissarsiat taakkunanngalu akileraarutit tamakkiisut qaammatisiutit ukiuini kingullerni marlunni inuit aqqisa nalunaarsorsimaffianni Kalaallit Nunaanni najugaqartussaananermik piunasaqaat malillugu

### Nalunaarsukkat. Inuttalersuineranut allattuiffinniittuni akissarsisitsisarnerit akileraarusiisarnerillu

	2012	2013	2014	2015
	Mio. kr.			
Avataasiutini inuttat tamarmiusut akissarsiaat .....	502	511	507	642
Avataasiutini inuttat tamarmiusut akileraarutaat .....	204	200	199	256
Qaammatisiutit ukiuini kingullerni marlunni najugaqartut, akissarsiat .....	352	348	337	428
Qaammatisiutit ukiuini kingullerni marlunni najugaqartut, akileraarutit .....	142	136	132	171
Qaammat. ukiuini kingullemi marlunni najugaqanngitsut, akissarsiat .....	149	163	170	214
Qaammat. ukiuini kingullemi marlunni najugaqanngittut, akileraarutit .....	63	64	66	84
Maskiinalerisunut naalakkat tekniikerillu minillugit, akissarsiat .....	77	83	102	133
Maskiinalerisunut naalakkat tekniikerillu minillugit, akileraarutit .....	34	32	40	52
	Ingerlatsiviit amerlassusaat			
Naatsorsuinermit ingerlatsiviit peqataasut .....	16	16	18	16

Najoqqutaq: Naatsorsueqqissaartarfik

Naatsorsuineq ingerlanneqarpoq inuk ataaseq qaammatisiutit ukiuini kingullerni marlunni nunami najugaqarnerisooq imaluunniit qaammatisiutit ukiuini kingullerni marlunni nunami najugaqarsimanneginnersooq taamaallaat aallaavigalugit.

Naatsorsuinermit inuk Kalaallit Nunaanni najugaqavissuunerisooq najugaqavissuunnginnersorluunniit isiginiarneqanngilaq naatsorsorneqaraniluunniit.

Akissarsiat naatsorsorneqarput avataasiutini inuttat tamakkerlugit, inuttanut qaammatsiutit ukiuini kingullerni marlunni Kalaallit Nunaanni najugaqarsimanngitsunut kiisalu maskiinalerisunut naalakkatut maskinmesterisut tekniikerisullu taaneqartartut minillugit.

Najoqqutani kukkunerit.

Inuttalersuinermut allattuiffiit sulisoqarnermullu nalunaarsuutit naleqqiullugit misissorneranni inoqarpoq, naleqqiussinermi imminnut ataqatigiinngitsunik.

Pingaarnertut pissutaasoq unaavoq, allattuiffinni nalunaarsuiffinnilu inuit nalunaarsorneqarnerat akileraaruseriffimmi paasissutissanut naleqqiullugit allaanerunerat.

Taamaattumik naatsorsuineq annikitsumik kukkuneqarpoq. Taamaattoq najuqqutani kukkuneq taanna iluarsiviginiarneqarpoq, taamaalilluni avataasiutini inuttat akissarsiaannut tamakkiisunut kukkuneq minnerpaaffianut inissinniarlugu.

Ingerlatsivimmi inuk allami suliffeqarsimanersoq aalajangerneqarsinnaasimanngilaq, soorlu inuk Royal Greenlandip avataasiutaani sulisimasoq kingornatigut nunami sulisimanersoq. Pisuni taamaattuni inuup akissarsiai tamarmik avataasiutini inuttatut akissarsiarineqartutut ilanngunneqarput, naak piffissap ilaani nunami sulisimagaluartoq

---

Ilisamaatinut nassuiaatit:

... Paasissutissat pigineqanngillat

.. Paasissutissat nalunaarsussallugit qularnarpallaarput mianersuuttariaqarpulluunniit

. Suliap pissusia tunngavigalugu kisitsisit saqqummersinneqarsinnaanngillat

0 Uuttuutigineqartup affaanit minneruvoq

- Nul

\* Kisitsisaagallartoq kisitsilluunniit eqqoriameqartoq

Eventuel henvendelse

Daniel Schütt

E-mail: [dasc@stat.gl](mailto:dasc@stat.gl)

Suliffeqarfeqarneq

Grønlands Statistik

Postboks 1025 · 3900 Nuuk

Tlf.: +299 34 57 70 · Fax: +299 34 57 90

[www.stat.gl](http://www.stat.gl) · e-mail: [stat@stat.gl](mailto:stat@stat.gl)

